

ÁKVÖRÐUN SAMEIGINLEGU EES-NEFNDARINNAR
nr. 15/2001

frá 28. febrúar 2001

um breytingu á IX. viðauka (Fjármálaþjónusta)
við EES-samninginn

SAMEIGINLEGA EES-NEFNDIN HEFUR,

með hliðsjón af samningnum um Evrópska efnahagssvæðið, eins og hann var aðlagður með bókun um breytingu á samningnum um Evrópska efnahagssvæðið, er nefnist hér á eftir samningurinn, einkum 98. gr.,

og að teknu tilliti til eftirfarandi:

- 1) IX. viðauka við samninginn var breytt með ákvörðun sameiginlegu EES-nefndarinnar nr. 5/2001 frá 31. janúar 2001⁽¹⁾.
- 2) Tilskipun Evrópuþingsins og ráðsins 2000/12/EB frá 20. mars 2000 um stofnun og rekstur lánastofnana⁽²⁾ sameinar ýmsar gerðir sem nú eru hluti af IX. viðauka við samninginn.
- 3) Tilskipun Evrópuþingsins og ráðsins 2000/12/EB skal felld inn í samninginn.
- 4) Tilskipun Evrópuþingsins og ráðsins 2000/12/EB fellir úr gildi ýmsar gerðir sem nú eru hluti af samningnum, þar með taldar gerðir sem hafa verið aðlagðar með tilliti til EES.
- 5) EES-aðlögunarliðum við gerðir sem felldar eru úr gildi með tilskipun Evrópuþingsins og ráðsins 2000/12/EB skal viðhaldið.

⁽¹⁾ Stjtið. EB L 66, 8.3.2001, bls. 47 og EES-viðbætur við Stjtið. EB nr. 12, 8.3.2001, bls. 5.

⁽²⁾ Stjtið. EB L 126, 26.5.2000, bls. 1.

ÁKVEDIÐ EFTIRFARANDI:

1. gr.

Eftirfarandi breytingar eru gerðar á IX. viðauka við samninginn:

1. Eftirfarandi komi í stað textans í 14. lið (tilskipun ráðsins 73/183/EBE):

„**32000 L 0012**: Tilskipun Evrópuþingsins og ráðsins 2000/12/EB frá 20. mars 2000 um stofnun og rekstur lánastofnana (Stjtið. EB L 126, 26.5.2000, bls. 1).

Ákvæði tilskipunarinnar skulu, að því er þennan samning varðar, aðlöguð sem hér segir:

- a) Eftirfarandi bætist við 3. mgr. 2. gr.:

„- á Íslandi „Byggingarsjóðir ríkisins“;

- í Liechtenstein, „Liechtensteinische Landesbank“.“;

- b) 4. mgr. 5. gr. hljóði:

„Samningsaðila er heimilt að ákveða að þær lánastofnanir, sem voru starfræktar 1. janúar 1994, með eigið fé undir mörkunum sem mælt er fyrir um fyrir stofnfjármagn í 1. og 2. mgr., geti haldið áfram starfsemi sinni. Þegar svo háttar má eigið fé þeirra ekki fara niður fyrir hæsta stig sem fengist hefur frá og með 2. maí 1992 að telja.“;

- c) Að því er varðar tengsl við lánastofnanir í þriðja landi sem lýst er í 23. gr. tilskipunarinnar gildir eftirfarandi:

1. Með það fyrir augum að ná sem mestri samleitni í beitingu á stjórnarfyrrkomulagi þriðja lands vegna lánastofnana skulu samningsaðilar skiptast á upplýsingum svo sem lýst er í 2. og 6. mgr. 23. gr. og viðræðufundur haldnir um málefni sem um getur í 3., 4. og 5. mgr. 23. gr. innan ramma sameiginlegu EES-nefndarinnar og í samræmi við sérstakar reglur sem samþykktar verða af samningsaðilunum.
2. Leyfi, veitt af þar til bærum yfirvöldum samningsaðila til lánastofnana sem beint eða óbeint eru dótturfyrirtæki móðurfyrirtækja er heyra undir lög þriðja lands, skulu gilda í samræmi við ákvæði tilskipunarinnar alls staðar á yfirráðasvæði allra samningsaðila. Hinsvegar,
 - a) leggi þriðja land á mægtakmarkanir varðandi stofnsetningu lánastofnana EFTA-ríkis eða höft á slíkar lánastofnanir sem það leggur ekki á lánastofnanir bandalagsins, gilda leyfi veitt af þar til bærum yfirvöldum innan bandalagsins til lánastofnana, sem beint eða óbeint eru dótturfyrirtæki móðurfyrirtækja er heyra undir lög þessa þriðja lands, aðeins innan bandalagsins, nema EFTA-ríki ákveði annað fyrir eigið lögsagnarumdæmi;
 - b) hafi bandalagið ákveðið að leyfisveitingar lánastofnana, sem beint eða óbeint eru dótturfyrirtæki móðurfyrirtækja er heyra undir lög þriðja lands, skuli takmarkaðar eða felldar niður um tíma, skal leyfi veitt af þar til bæru yfirvaldi EFTA-ríkis til slíkra lánastofnana aðeins gilda í lögsagnarumdæmi þess, nema annar samningsaðili ákveði annað fyrir eigið lögsagnarumdæmi;
 - c) er óheimilt er að beita takmörkununum eða niðurfellingunni sem um getur í a- og b-lið gagnvart lánafyrirtækjum eða dótturfyrirtækjum þeirra sem þegar hafa fengið leyfi á yfirráðasvæði samningsaðila.

3. Hvenær sem bandalagið semur við þriðja land á grundvelli 4. og 5. mgr. 23. gr., til þess að ná fram sambærilegum kjörum og innlend fyrirtæki njóta og markaðsaðgangi í reynd fyrir lánastofnanir sínar, skal það leggja kapp á að fá sömu kjör fyrir lánastofnanir EFTA-rikkjanna.
- d) 2. og 3. mgr. 24. gr. gilda ekki;
- e) Ef samningsaðili ákveður að hefja viðræðurnar sem um getur í 25. gr. tilskipunarinnar, þá skal hann greina sameiginlegu EES-nefndinni frá því. Samningsaðilar skulu hafa samráð innan sameiginlegu EES-nefndarinnar um mótun stefnu ef þeir eiga sameiginlegra hagsmuna að gæta;
- f) 61. gr. gildir um Noreg;
- g) 1. mgr. 64. gr. hljóði:
- „Ef lánastofnun hafði 28. júní 1994 tekið á sig eina eða fleiri áhættur sem eru annaðhvort yfir mörkum fyrir stóra áhættu eða mörkum fyrir allar stórar áhættur samanlagt, sem kveðið er á um í 49. gr., skulu þar til bær yfirvöld krefjast þess að viðkomandi lánastofnun geri ráðstafanir til að áhætta eða áhættur verði færðar undir þau mörk sem kveðið er á um í 49. gr.“;
- h) 3. mgr. 64. gr. hljóði:
- „Lánastofnun er óheimilt að gera nokkrar þær ráðstafanir sem gætu valdið því að áhætturnar sem um getur í 1. mgr. fari fyrir þau mörk sem þær voru 28. júní 1994.““.

2. Í lið 16a (tilskipun Evrópuþingsins og ráðsins 97/5/EB) komi eftirfarandi í stað fyrsta undirliðar í aðlögunarlið b):

„- lánastofnanir eins og þær eru skilgreindar í fyrstu undirgrein 1. gr. tilskipunar 2000/12/EB,“.

3. Texti 15. liðar (fyrsta tilskipun ráðsins 77/780/EBE), 16. liðar (önnur tilskipun ráðsins 89/646/EBE), 17. liðar (tilskipun ráðsins 89/299/EBE), 18. liðar (tilskipun ráðsins 89/647/EBE), 19. liðar (tilskipun framkvæmdastjórnarinnar 91/31/EBE), 20. liðar (tilskipun ráðsins 92/30/EBE) og liðar 23a (tilskipun ráðsins 92/121/EBE) falli niður.

2. gr.

Texti tilskipunar Evrópuþingsins og ráðsins 2000/12/EB á íslensku og norsku, sem verður birtur í EES-viðbæti við *Stjórnartíðindi Evrópubandalaganna*, telst fullgiltur.

3. gr.

Ákvörðun þessi öðlast gildi hinn 1. mars 2001, að því tilskildu að allar tilkynningar samkvæmt 1. mgr. 103. gr. samningsins hafi verið sendar sameiginlegu EES-nefndinni(*).

(*) Engin stjórnskipuleg skilyrði gefin til kynna.

4. gr.

Ákvörðun þessi skal birt í EES-deild og EES-viðbæti við *Stjórnartíðindi Evrópubandalaganna*.

Gjört í Brussel 28. febrúar 2001.

*Fyrir hönd sameiginlegu EES-nefndarinnar
Formaður*

P. Westerlund

*Ritarar
sameiginlegu EES-nefndarinnar*

P.K. Mannes M. Brinkmann